



Publicaziuns dalla vischnaunca, jamna 9

Votaziuns federalas e votaziuns communalas dils 3 da mars 2024

L'urna principala en casa communalas ei aviarta sco suonda:
Dumengia, 3-3-2024, 09.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, igl 1. da mars 2024, allas 14.00**, tier l'administraziun communalas (tel. 081 920 36 36).

Levgiament da votar

Mintga votant(a) ha la pussevliadad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communalas saveis Vus tarmetter cun posta (basegna negina francatura) ni directamein fierer en la scaffa da brevs dalla casa communalas.

Ils cedels da votar ston esser sil pli tard la dumengia, ils 3 da mars 2024 allas 11.00 tier l'administraziun communalas.

Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communalas

Damonda da baghegiar

2024-1011.000

Datum dalla publicaziun: 1. da mars 2024

Patruns: Admir & Almedina Jasarevic, Via Soliva 17, 7180 Disentis/Mustér
Representant: Admir Jasarevic, Via Soliva 17, 7180 Disentis/Mustér
Intenziun: Nova annexa
Parcella: 3965
Adressa: Via Soliva 17, 7180 Disentis/Mustér
Zona: Zona da habitar 2 (H2)
Zona da prighel: Negina
Plan da quartier: Plan da quartier Vitget Crestas al Crest d'Alcetta

Protestas:

Ils plans da construcziun ein deponi tier l'administraziun communalas. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér



Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2022-1035.001

Prolungaziun dalla lubientscha da baghegiar:

Marco Pilloud, Via da Scola 20, 7180 Disentis/Mustér; construcziun nova d'ina casa da pliras famiglias cun garascha integrada, parcella 2236, Via Vallars 16, 7186 Segnas.

Nr. 2023-1079.000

Thomas Manetsch, Via Nova 11A, 7013 Domat/Ems; midada d'intent dretg funsil puril, parcella 2299, Via Caischavedra 19.1, 7186 Segnas.

Nr. 2024-1002.000

Clemens e Claudia Berther-Bearth, Via Salez 5, 7186 Segnas; sanaziun parziala dalla habitaziun sura e dils dus balcon, parcella 125, Via Salez 3, 7186 Segnas.

Nr. 2024-1003.000

Jose Antonio Oliveira de Araujo & Alda Daniela Da Silva Gomes, Via Disentiserhof 1, 7180 Disentis/Mustér; midada d'intent d'ina ustria tier duas habitaziuns primaras ed in balcon, parcella 912, Via Sursilvana 5, 7180 Disentis/Mustér.

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, igl 1. da mars 2024**, allas 19.30 en halla Cons.

Tractandas:

1. Protocol 29-2021/2024
2. Saramentaziun dil niev cusseglier da vischnaunca
3. Ovr Solara Magriel: Presentaziun dil stan actual dil project entras Axpo Solutions AG
4. Ovr Solara Magriel: Dretg da construcziun (messadi 50-2021/2024)
5. Pendericaras Mustér SA: Concessiun dil dretg dallas auas (messadi 51-2021/2024)
6. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Serrada dalla via Sogn Antoni

Muort lavurs da transport da lenna cun helicopter ord igl uaul dils Stocs e transports da lenna vegn la via Sogn Antoni ad esser serrada pil traffic motorisau sco era per pedunzs. Las lavurs han prevedentamein liug naven da gliendisdis ils 19-02-2024 e cuozan pli u meins 10 dis (dependent dall'aura). Il temps detagliu digl impediment vegn affischaus el liug. Igl access a Cavardiras ei pusseivels durant quei temps sur Brulf. Per damondas urgentas eis ei da contactar il selvicultur Simon Cathomen, Telefon; 081 920 36 41.

Bien engraziament per l'enconuschientscha e capientscha.

Uffeci forestal Disentis/Mustér



Controla da habitonts

Mortoris

Rosa Martina (Tina) Mathiuet-Giger, naschida ils 3 da fevrer 1942, morta ils 21 da fevrer 2024
Kurt Hirschi-Bosshard, naschius igl 1. d'uoost 1943, morts ils 25 da fevrer 2024

Administraziun communal Disentis/Mustér

Biblioteca populara Disentis/Mustér e contuorn

Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs? **Venderdis, ils 8 da mars 2024** allas 14.30 legin nus avon e mussein vid ina gronda preit ils maletgs ord in cudisch da maletgs. L'occurrenza ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna. Nus selegrein zun fetg sin tei.

Mats, la miur ed il team dalla biblioteca

Berufsschau bei der Distec

Berufsinformationsschau in Disentis, **Mittwoch, 20. März 2024**, 16 Uhr. Wir laden alle Jugendlichen, die vor der Berufswahl stehen und ihre Eltern herzlich ein.

Die Berufsschau bietet:

- Einblicke in die Lehrberufe Polymechaniker/in sowie Produktionsmechaniker/in
- Betriebsrundgang und Hightech-Maschinen und Roboter live im Einsatz
- direkte Gespräche mit unseren Lernenden
- Informationen zu den Zukunftsaussichten
- Aperó

Anmeldungen zur Berufsschau nimmt Frau Cajacob gerne unter Tel. 081 929 52 00 oder per t.cajacob@distec.ch entgegen. *Inserat!*

Colonna d'agid Cadi

Cuors da reiver en halla

Gia dapi biars onns organisescha la Colonna d'agid Cadi mintga stad cuors da reiver per affons. Per dar era la pusseivladad da trenar da reiver vegn organisau duront 8 mesjamnas sera in cuors da reiver per affons dallas annadas 2016 entochen 2011.

Liug: Halla da reiver el Center Fontauna, Mustér
Entschatta: **gievgia, ils 14-3-2024 entochen entschatta matg 2024.**
Annadas 2016 entochen 2011, 17.30 - 19.00.
Menaders: Commembers dalla Colonna d'agid Cadi cun brevet, Giuventetgna + sport
Annunzias: Entochen venderdis, ils 8-3-2024 alla Colonna d'agid Cadi, Otmar Venzin,
tel. 079 381 25 52.

Segirada ei caussa da mintga participontA.

Colonna d'agid Cadi



Cuors fundamental per pescadurs giuvens/entschaviders 2024

L'Uniun da pescadurs Rein-miez organisescha il cuors obligatoric fundamental per pescadurs novs. Il cuors vegn serraus giu cun gl'attest savida da pescar. Quel lubescha al possesur da'acquistar il patent da pescar el cantun grischun ed en l'entira svizra, nua ch'il „SANA» vegn pretendius. Ils cuosts muntan a fr. 95.— ed includan il gentar cun bubrondas senza il material da scolaziun.

Il cuors ha liug:

Sonda, ils 6 d'avrel 2024 en l'aula dalla scoletta a Curaglia

L'annunzia saveis vus far sut l'adressa www.anglerausbildung.ch ni directamein tiel president dall'uniun Placi Flepp, 079 406 74 16. Il material da studi anfleis vus sut www.anglerausbildung.ch.

Invitaziun SENIORA-CA

Venderdis, ils 8 da mars 2024 allas 14.00 ell'ustria Casa Cruna a Disentis/Mustér – jugar lotto.

Pusseivladad da gentar allas 12.15 ell'ustria Casa Cruna cun 1 menu da treis tratgas per in prezi favoreivel. Annunzia pil gentar tochen mesjamna, ils 6 da mars 2024 allas 12.00 a Puntreis sut 081 929 56 56. Adatg! L'occurrenza ha liug il venderdis e buc sco usitau la gievgia.

Cordial beinvegni
Team SENIORA-CA

Weltgebetstag Palästina 2024

Weltgebetstag Palästina 2024, venderdis igl 1. da mars 2024, 19.00, Marienkapelle im Kloster Disentis.

Cordialmein envida

Uniun da dunnas Mustér, Tina Bundi e Rita Huonder e la gruppa da preparaziun ecumenica

Freitag, 1. März 2024, 19 Uhr, Marienkapelle im Kloster Disentis.

Herzlich laden ein

Uniun da dunnas Mustér, Tina Bundi und Rita Huonder und die ölumenische Vorbereitungsgruppe
